



Te Kāwanatanga o Aotearoa
New Zealand Government

He Pānui Whakaaro Pae Tawhiti Whakahaumarutanga ā-Motu

He uiuinga mō te kaupapa kua marohitia:

Kia piki te hihiri o Aotearoa me tōna porihanga
e piki haere ai te kanorau, mō ngā tūraru
whakahaumarutanga ā-motu, ngā wero me
ngā āheinga

Whiringa-ā-nuku 2021

He Kupu Whakataki

Tēnā koutou katoa

Waiho i te toipoto, kua i te toiroa

E tipu ake ana te nui o te whakahaumarutanga ā-motu ki ngā tāngata katoa o Aotearoa nei. I ngā tau kua tata pahure, kua mahuki tā tātou kitenga atu i ngā whakamāharahara ki ngā tūraru me ngā wero, mō te tangata ki te kāinga, mō te tangata hoki e noho ana ki rāwāhi, e hāereere ana rānei. Kua ngaua kinotia ō tātou nei hapori e te hārukiritanga kaikoka, e te pāpātanga o ngā whakaeke ā-ipurangi ki te hunga pakihi, ki te hunga pēke me te hunga hauora, e te haere tonutanga o te mōrearea mai i ngā taihara nahanaha, e ngā pāpātanga o ngā whakaaro pohewa, kōrero horihori rānei. Ka ngaua e aua mea ngā tāngata kei te mura o te ahi, engari kua pāngia mai hoki tō tātou nei ārohirohi whānui mō te haumarutanga me the whakahaumarutanga.

He haepapa tā ngā kawanatanga kia pūataata, kia tuwhera mō ngā tūraru whakahaumarū ā-motu me ngā āheinga, kia ākona e ngā hapori, ki te whakarongo atu hoki ki a rātou mō ngā tūraru e aro ana rātou me ngā wero ka puta, ā, me rata anō hoki ki ēnei katoa. Ko te tukanga kia whakaahutia tētahi Pānui Whakaaro Pae Tawhiti he āheinga kia pērā.

Ko tēnei tuhinga uiuinga ko te wāhanga tuatahi kia hanga i tētahi Pānui Whakaaro Pae Tawhiti Whakahaumarutanga ā-motu, he whakamāramatanga tahi e ngā umanga o te Security and Intelligence Board, e arahina ana e Te Tari o te Pirimia me te Rūnanga Matua, e te Manatū Aorere anō hoki. Koia tētahi o ngā Pānui Whakaaro Pae Tawhiti ka whakaputaina e ngā tari kāwanatanga i waenganui i te tau 2022 e titiro ana ki anamata.

Ka whakaatu te Pānui Whakaaro Pae Tawhiti Whakahaumarutanga ā-Motu i te tātari wātea, tinihanga kore anō hoki mō ngā tūraru ā-motu, mō ngā wero me ngā āheinga. Ka kōrero te tuhinga mō ngā whakatuma e tinga ana kia arotia e tātou, me ngā take kia arotia, kia whakaaroarotia anō e tātou. Ko tēnei tuhinga whakawhitiwhiti whakaaro he tīmatanga, ā, ka whai atu ētahi atu whakawhitiwhiti kōrero mō ēnei take.

E manawanui ana mātou ki te mahi tahi ki ngā hapori kia whakapai ake i te haumarutanga me te whakahaumarutanga anō o Aotearoa.



Tony Lynch
Heamana, Security and Intelligence Board

Wāhanga Tuatahi: Ko wai mātou, ā, he aha tēnei mea, te Pānui Whakaaro Pae Tawhiti?

Waiho i te toipoto, kaua i te toiroa

Tō Mātou Whakataukī

1. Ko te Whakataukī mō te Pānui Whakaaro Pae Tawhiti Whakahaumarutanga ā-Motu e kīia nei *Waiho i te toipoto, kaua i te toiroa*. E kōrero ana tēnei he mea nui te hononga tonu tētahi ki tētahi, te whakaū i ngā whanaungatanga me te whitiwhiti kōrero kia kotahi ai te anga whakamua.

Ko ngā Pānui Whakaaro Pae Tawhiti he huarahi mō ngā iwi katoa o Aotearoa ki te āwhina i tā te kāwanatanga whakaarotanga mō anamata

2. He huarahi hou ngā Pānui Whakaaro Pae Tawhiti kia pai ake ai te whakamāramatanga o ngā umanga kāwanatanga mō ngā take nunui e pā ana ki te toioranga tonutanga o ngā tāngata katoa o Aotearoa. Ka whakarato ngā Pānui Whakaaro Pae Tawhiti i ngā pārongo me ngā whakaaro mō anamata kia wānanga tūmatanuitia ai, ka mutu, kia hāpai ai i te whakauru a te marea ki te whai wāhitanga ki ngā whakatau ā-mua a te kāwanatanga.
3. Ko te rangona o ngā whakaaro tūmatanui mā te Pānui Whakaaro Pae Tawhiti he mea e hiahia ana e te Kāwanatanga, engari kē he herenga hoki. Me hanga ngā tari kāwanatanga tētahi Pānui Whakaaro Pae Tawhiti (Long-term Insights Briefing (LTIB)) kaua e roa atu i ia toru tau.¹ Me whakawhitiwhiti whakaaro mātou ki te iwi whānui mō ngā kaupapa, ā, mō te ripoata hukihuki.

E mahi tahi ana ngā umanga ki tētahi Pānui Whakaaro Pae Tawhiti Whakahaumarutanga ā-Motu

4. E mahi tahi ana ngā umanga e iwa kia hangaia ai tētahi Pānui Whakaaro Pae Tawhiti Whakahaumarutanga ā-Motu:
 - Te Tari o te Pirimia me te Rūnanga Matua
 - Manatū Aorere
 - Te Tira Tiaki
 - Hikina Whakatutuki
 - Manatū Kaupapa Waonga
 - Te Mana Ārai o Aotearoa
 - Te Ope Kātua o Aotearoa
 - Ngā Pirihimana o Aotearoa

¹ Ka kitea ētahi atu pārongo mō ngā **Pānui Whakaaro Pae Tawhiti** i <https://www.publicservice.govt.nz/our-work/long-term-insights-briefings/>

- Te Pā Whakamarumaruru

Ngā āheinga ki te tuku kōrero ki te Pānui Whakaaro Pae Tawhiti Whakahaumarutanga ā-Motu

5. Ka whakatū i ētahi āheinga mō te tangata ki te tuku kōrero nō mātou ka whakaahu i tēnei pānui:
 - *Oketopa 2021* – he uiuinga mō te kaupapa kua marohitia.
 - *Oketopa 2021 ki te Maehe 2022* – he whakawhitiwhiti kōrero e arotahi ana mō te roanga ake o te whakaahutanga i te pānui.
 - *Maehe ki te Āperira 2022* – he whakawhitiwhiti kōrero ki te iwi whānui mō te pānui hukihuki.
 - *Mei 2022* – he whakakotahi i ngā whakahoki kōrero mai i te uiuinga me te whakaoti i te pānui.
 - *Hune ki te Hūrae 2022* – te tukunga o te pānui whakaoti ki ngā Minita me te/ngā Komiti Whiriwhiri.
6. Ko tēnei tuhinga ko tō āheinga tuatahi ki te tuku kōrero ki te Pānui Whakaaro Pae Tawhiti Whakahaumarutanga ā-Motu. Mā āu kōrero mātou e āwhina kia pai ake ai tā mātou whakairotia o te kaupapa me ngā pātai e kōrero ana mātou i tā mātou ripoata.

Ā mātou herenga ki a koutou

7. I te roanga o te tukanga whakaahu o te pānui, e manawanui ana mātou ki te mahi tahi:
 - *hei whakaatu i ō mātou nei herenga ki te Tiriti o Waitangi:* tae ana ki te hanga ara māmā mō ngā hapori, kia mārama ai mātou me pēhea te āhuatanga o te whai wāhitanga o ngā tāngata whenua, me te whakamahi i ngā tikanga Māori i roto i tā tātou nei mahi tahi.
 - *hei whakaatu i ngā hiahia me ngā aronga whānui:* ka whakawhitia ā mātou tuhinga ki ngā tini reo, ki ngā hōputu rerekē, ā, he maha ngā tūmomo mahi tahi a mātou.
 - *e pūataata ana, ā, e hanga wāhi haumaruru:* hei reira rā e wātea ana te tangata kotahi, ngā rōpū me ngā hapori wānanga ai, tuku whakaaro ai i runga i ngā tikanga e tika nā ki a rātou.
 - *e rata ana* ki ō whakahoki kōrero.

Wāhanga Tuarua: Kei te pīrangi rongō mātou i ō whakaaro mō tā mātou kaupapa kua marohitia

Anei tā mātou kaupapa kua marohitia i runga i tēnei Pānui Whakaaro Pae Tawhiti Whakahaumarutanga ā-Motu:

"Kia piki te hihiri o Aotearoa me tōna porihanga e piki haere ai te kanorau, mō ngā tūraru whakahaumarutanga ā-motu, ngā wero me ngā āheinga".

8. He ōrokotimatanga tō mātou mō tēnei kaupapa, ā, koinei te wā māu e āwhina mātou ki te whakapai ake i ngā take e tūhuratia ana e mātou i a mātou e whai ana i tēnei kaupapa.

Hei tīmatanga, tēnā whakautua ēnei pātai:

1. He tāhuhu, he mea rānei kia āta arotahia me noho hei whakaarotau mō tēnei Pānui Whakaaro Pae Tawhiti?

Ko te whakahaumarutanga ā-motu ināianei, ā, mō anamata

2. He aha ngā āwangawanga whakahaumarutanga ā-motu, ngā tūraru me ngā wero ōu mō tō whānau, tō wāhi mahi me tō hapori i tēnei wā?
3. He aha ngā tūraru me ngā wero whakahaumarutanga e whakaawangawanga i a koe mō anamata?
4. He aha ngā momo kōrerorero e hiahiatia ana i tēnei wā kia pai ake ai tā mātou whakaritenga mō anamata, ā, me whai wāhi a wai?

He Pātai mō te Whakawhiti Kōrero

5. I ngā wā hipa kua whakawhiti kōrero rānei koe ki tētahi umanga kāwanatanga mō ngā take whakahaumarutanga ā-motu? He aha ngā piki me ngā heke?
6. He aha tā te kāwanatanga mahi kia kaha ake ai tō/tō whānau me tō hapori whakawhirinaki, whakamanawatanga hoki i a rātou?
7. Mēnā kua pai tāu whakawhiti kōrero o mua ki ngā puna kāwanatanga, he aha rānei te āhua o te pai o taua kōrerorero?
8. He pēhea ngā puna whakahaumarutanga ā-motu e whakakaha ake ai i a rātou uruparetanga tūmatanui?

Ngā mahi ka whai

9. Ka taea e mātou te whakapā atu anō ki a koe kia kimihia he kupu anō āu mō te pānui?
10. He aha te momo whakawhitiwhiti kōrero e mariu ana koe ina he kōrero anō?
11. He mea anō kei te hiahiia koe kia mōhiotia e mātou?

Rapua ētahi atu kōrero

9. Mēnā ka pīrangi mōhio koe ki ērā atu mea mō te whakahaumarutanga ā-motu, ki ngā take rānei e whakaaroarotia ana e mātou tēnei kaupapa, he pārongo anō i ngā Wāhanga Tuatoru me Tuawhā o tēnei tuhinga. Kei te wāhanga Tuarima ka kitea ngā huarahi tuku kōrero.

Wahanga Tuatoru: Hei aha i kōwhiria ai tēnei kaupapa?

He whaitake ngā kōrerorero mō te whakahaumarutanga ā-motu

Ko tā te Kāwanatanga whāinga me taea ngā tāngata katoa o Aotearoa te whai i te mahi o ia o ia rā o ō rātou nā ao i runga i te māia, i runga anō hoki i te wāteatanga i te matakū, ka mutu, me taea e rātou kia mau pai ngā āheinga e piki ake ai i ō rātou nei ao.

10. Ko tā ngā kāwanatanga haepapa he whakarato i tētahi Aotearoa New Zealand haumarū, e manawaroa ana mō te katoa. E whakawhirinaki ana te whakahaumarutanga ā-motu i ngā tāngata e whaimōhio pai ana, i ngā tāngata kua whakamanatia, ā, i ngā tāngata e taea ai te whai wāhi kia noho haumarū tātou.
11. Kua ngaua kinotia ō tātou nei hapori e ngā āhuatanga uaua, pāmamae anō hoki i ngā tau kua tata pahure. Ka taea e ēnei āhuatanga te whakararuraru i tō tātou whakahaumarutanga ā-motu, i tō tātou taurikura me te toiora.
12. Kei te mihi atu mātou ki te āhuatanga ahurei o ngāi Māori, hei tangata whenua, hei hoa tiriti anō hoki o te Karauna i runga i tēnei kaupapa, arā, ko te tautohu me te aro atu ki ngā wero whakahaumarū. He mihi anō ki te mahi e mahia ana e ō tātou hapori, inarā ko ngāi Māori, nāna nei i hāpai i te haumarutanga me te whakahaumarutanga tūmatanui i te wā o ētahi tūponotanga, tae ana ki te pupuhutanga ki Whakaari, ki te whakaeke kaiwhakatumua i ngā whare Kōrana ki Ōtautahi, ki te KOWHEORI-19, me te hia nei o ētahi atu tūponotanga huarere kino rawa atu.

Kei te panoni te ao

13. Kei te panoni, kei te puta ake tonu ngā tūraru, ngā wero me ngā āheinga e pā ana ki te whakahaumarutanga ā-motu. E whakawhirinaki ana a Aotearoa ki ngā whakahaere o te ao, i ngā whenua anō hoki "kia tika te tākaro" i runga i ngā kaupapa kanorau pēnā i te tauhokohoko, i te waonga me te taiao – engari kē e kore e pērā i ngā wā katoa.
14. Mā ngā whakatumua e pā ana ki te whakatuatē, ki te hara nahanaha e whakawhiti aukati whenua ana, ki ngā whakaaro pohewa/kōrero horihori, me ngā raweke o whenua kē, e whakararuraru ai ngā ao o ngā tāngata o Aotearoa. E piki ake ana te rerekē haere o ngā āhuatanga o tō tātou nei horonuku whakahaumarū ā-motu, nā ngā ia o te ao, pēnā i te āhuarangi hurihuri, te piki ake o ngā hononga tuihono me ngā hangarau hou ngā take.
15. Me pakari ake tō tātou nei mōhio he pēhea te panoni o ngā tūraru me ngā āheinga e aro ana tātou, ā, he aha ngā whakatumua ka puta.

Me pēhea te mahi tahi a te Kāwanatanga ki ō tātou nei hapori?

16. Kei te panoni ō tātou nei porihanga. He whenua kanorau kē a Aotearoa e pā ana ki te mātāwaka, ki te ahurea, ki ngā rāngai mā te pakeke, me ngā hītori koiora, hītori mahi rānei. Kei te matapae mātou ka piki ake taua kanorau i te tekau tau e heke mai nei.
17. Ko te hua, me kaha ake te mahi a ngā kāwanatanga ki te whakamana i te tangata kia whai wāhi ai rātou ki ngā kōrerorero e pā ana ki te whakahaumarutanga ā-motu, he kōrerorero kua mōhiotia, e whai tikanga ana, he mea kauawhi anō hoki.
18. E ai ki Te pūrongo a Te Kōmihana Uiui A Te Whakaeke Kaiwhakatumua i ngā whare Kōrana o Ōtautahi² (Te Kōmihana) me whakapai ake te kounga o ngā kōrerorero mō te whakahaumarutanga ā-motu. He maha ngā tohutohu a te Kōmihana e pā ana ki te whakapai ake i te pūtatatanga o te kāwanatanga me tā rātou whakawhitiwhiti kōrero ki te marea mō te whakahaumarutanga ā-motu.
19. Kua whakarongo te Kāwanatanga o nāianei ki ngā tini hapori mai i te putanga o te Pūrongo a te Kōmihana. Kua rangona e ō mātou taringa:
 - ehara i te mea *he rite tonu ngā hua o te whakawhitiwhiti kōrero e pai mārika ana mō ngā hapori, i kore ai rātou e kite he pēhea te urupare a ngā umanga ki te whakahoki kōrero a ngā hapori.*
 - *Kei te pīrangī whai wāhi ngā hapori, engari he uaua i ētahi wā, inarā ka whakapau wā utukore te tangata; ā*
 - *kāore ētahi rōpū i te whakawhirinaki ki ngā umanga whakahaumarū, i ngā umanga mōhiotanga rānei, he tairongo rānei nō rātau e aukatia ana rātou ki te whai wāhi ki ngā kōrerorero mō te whakahaumarutanga ā-motu, nā ō rātou wheako o mua te take.*

² Tirohia te pūrongoa te Kōmihana Uiui mō ētahi atu pārongo: <https://christchurchattack.royalcommission.nz/the-report/findings-and-recommendations/part-9-social-cohesion-and-embracing-diversity/>

Wāhanga Tuawhā: Te whakahaumarutanga ā-motu

He aha tā te Kāwanatanga tikanga mō tēnei mea te “whakahaumarutanga ā-motu”?

20. Kotahi o ngā haepapa nui rawa atu a tētahi kāwanatanga ko te whakarite i te whakahaumarutanga me te motuhaketanga o te whenua. Kei roto ko te tiaki i ngā umanga me ngā whakahaere e tautoko ana i te māia, i te tukanga whakatau e pai ana, me te taurikura.
21. Ko tā te kāwangatanga haepapa ki te whakahaumarutanga ā-motu he whakataurite i ngā aronga pae tata, pae tawhiti rānei, i ngā aronga taiwhenua, o te ao rānei, i ngā aronga tūmatanui, tūmataiti rānei, i ngā aronga ahumoni, ahumoni-kore rānei. Me aro atu ngā kāwanatanga ki ngā tūraru whānui e pā ana ki tō tātou nei whenua me ōna tāngata.
22. He ‘matepā katoa – tūraru katoa’ te huarahi e whai atu ana a Aotearoa ki te whakahaumarutanga ā-motu. Ka whakaarotia te tūraru o ētahi momo matepā, hei tauria, ngā matepā taiao me ngā matepā ā-tangata, tae atu ki ngā whakatuma whakahaumarū ā-motu e taunga kē nei mātou. Mā tētahi o aua whakatuma e tino whakararuru i tō tātou nei whakahaumarutanga me tō tātou nei taurikura.

Ngā matepā, ngā whakatuma me ngā tūraru

23. Ko te takune a te pūnaha whakahaumarū ā-motu o Aotearoa he whakamahi taunakitanga, he whakamahi tohungatanga kia matapae wawetia ngā tino tūraru ā-motu ³kia whakaiti ai i tō rātou putanga me tā rātou pāpātanga. Ka whakarite ka takatū mātou ki te urupare ki tētahi tūponotanga me te whakaora anō hoki.

“Ngā Matepā” – kei roto ko ngā ahunga katoa o te tūkinō, o te whakamōtī rānei ka puta pea. Ko ētahi matepā he putuputu he māori hoki te putanga atu pēnā i ngā kumekume a Ruaumoko, i ngā pupuhatanga o ngā rangitoto, i ngā waipuke me ngā māuiuitanga. Ko ētahi atu matepā e hangaia ana e te tangata, pēnā i ngā pūmatū tāoke, i ngā take haumarū kai.

“Ngā Whakatuma” – e pā ana ēnei mea ki tētahi tangata e āta whakakino ana, e āta wāwāhi tahā ana. Kei roto pea ko ngā rākau (he mea matū, he mea koiora, he mea karihi rānei), ko te whakamahi kinotanga i te hangarau, ko te tangata e mahi toropuku ana. Ka aronga mai ngā whakatuma i ngā tāngata, ko te tōrangapū, ko te moni, ko te whakapono rānei te tikanga.

“Te tūraru” – ko tēnei te hanumitanga o te tērā tonu peatanga o te putanga atu o tētahi matepā, whakatuma rānei, me ngā hua e pā ana ki ngā mea e whai hua ana ki a mātou. Ka

³ He tino tūraru ā-motu he tūponotanga, he āhutatanga rānei ka taea te puta, engari ko wai e mōhio āhea. Mēnā ka puta he tino taumaha pea, pae tawhiti pea anō ngā hua e pā ana ki te whakahaumarutanga me te taurikura o Aotearoa, ā, ka hiahia te whawhenga kāwanatanga kia whakahaeretia.

pā pea ngā hua ki te haumarutanga o te tangata, ki tō tātou nei mana i te ao, ki te ōhanga, ki ngā whare, ki te hanganga, ki te taiao rānei.

Ko ngā wāhanga o te Kāwanatanga e whai wāhi ana ki te whakahaumarutanga ā-motu

24. He mahi pīroiroi te whakahaere i ngā tūraru whakahaumarū ā-motu. E whai wāhi ana ētahi umanga kāwanatanga rerekē, ētahi atu whakahaere e mahi tahi ana hei tētahi Pūnaha Whakahaumarutanga ā-Motu. Ka whakarite, ka urupare hoki te pūnaha ki ngā tūraru e taea ai te tino whakakino, te tino whakararuru i te haumarutanga me te toiora. Kei roto ko ngā āhuatanga pēnā i te whakahaere aukati whenua, i ngā urupare ki ngā whakaeke ā-ipurangi, i te tautohu i ngā whakatuma hou ka puta pea, i te urupare ki tētahi tino kumekume a Ruaumoko.
25. E rua ngā poari a te Pūnaha Whakahaumarutanga ā-Motu e whakahaere ana i ngā tūraru hirahira ā-motu. Ko tā te Hazard Risk Board he aro atu ki ngā tūraru ā-matepā e pā ana ki Aotearoa, otirā, ko tā te Security and Intelligence Board he aro atu ki ngā whakatuma me te mōhiotanga e ahu mai ana i waho o Aotearoa. E iwa ngā umanga kei roto i te Security and Intelligence Board. E mahi tahi rātou kia tukuna atu tēnei Pānui Whakaaro Pae Tawhiti Whakahaumarutanga ā-Motu.
- Te Tari o te Pirimia me te Rūnanga Matua (kaitautoko takirua)
 - Manatū Aorere (kaitautoko takirua)
 - Te Tira Tiaki
 - Hikina Whakatutuki
 - Manatū Kaupapa Waonga
 - Te Mana Ārai o Aotearoa
 - Te Ope Kātua o Aotearoa
 - Ngā Pirihimana o Aotearoa
 - Te Pā Whakamarumarū
26. Ka kitea he mea atu mō te Pūnaha Whakahaumarutanga ā-Motu i te pae tukutuku DPMC.

Ko tā tēnei Pānui Whakaaro Pae Tawhiti he aro atu ki ngā tūraru ā-matepā me ngā wero.

27. I runga i tēnei Pānui Whakaaro Pae Tawhiti Whakahaumarutanga ā-Motu ka hihiri rawa mātou māu e whakapā mai mō ngā tūraru ā-matepā whakahaumarutanga ā-motu, mō ngā wero hoki:
- e mahara ana koe he āhua hē te whakawhitiwhiti kōrero a te kāwanatanga ki ngā hāpori i ngā wā o mua; ā
 - e pīrangi pea ana koe, ko tō hāpori rānei ki te whai wāhi, ki te whakaaweawe rānei i tētahi o ngā take, he take anō rānei āu e tino whakaawangawanga ana i a koe.
28. Kei roto pea, *engari kāore e herea ana ki, ngā mea ki raro:*
- Te whakahaumarutanga o ngā aukati o Aotearoa me te taiao moana.
 - Te whakatuata me te hārukiruki kaikoka.

- Te waonga me te whakamaru ki ngā whakararuru a ētahi atu whenua (hei tauira, he whakararuru i te pōtitanga whānui) me ngā mahi a ngā whenua taraweti.
- Ngā whakatumā ā-ipurangi, ngā tūkinō tuihono me ngā whakaaro pohewa.
- Te tino hara nahanaha e whakawhiti aukati whenua hoki (tae ana ki te hunuku turekore o te moni, ngā rawa, ngā tāngata rānei).
- Ngā take mō ngā hangarau hou (hei tauira ko te atamai hangahanga).
- Ko ngā whanaungatanga o te ao, me ngā whakahaere o te ao (pēnā i Te Kotahitanga o Ngā Iwi o te Ao me te taimautanga i Te Moana-nui-a-Kiwa).
- Te kohikohi mōhiotanga.

Wāhanga Tuarima: He pēhea tāu e whai wāhi ai

29. Ko tō mātou hiahia māu e whakapā mai mō te kaupapa kua marohitia i tēnei o ngā Pānui Whakaaro Pae Tawhiti Whakahaumarutanga ā-Motu, inarā tukuna mai āu urupare ki ngā pātai ki te whārangi 4. Anei ngā momo tuku kōrero:
- Whakakīia te uiuinga tuihono <https://consultation.dpmc.govt.nz/long-term-insights-briefing/national-security-long-term-insights-briefing>.
 - Īmēra mai ki te NationalSecurity.LTIB@dpmc.govt.nz kei roto āu urupare ki ngā pātai i tāu īmēra.
 - Tuku reta mai ki:

National Security Long-term Insights Briefing
Department of the Prime Minister and Cabinet
Level 8, Executive Wing, Parliament Buildings
Wellington 6160
 - Whakamōhio mai mēnā kei te hiahia koe ki te whai wāhi ki ngā whakawhitiwhiti kōrerotanga e haere tonu nei i a mātou e whakaahu ana i te Pānui Whakaaro Pae Tawhiti Whakahaumarutanga ā-Motu.
30. Ka whakakotahi, ka tā hoki i tētahi whakarāpopototanga o ngā whakahokinga kōrero i tukuna. Ahakoa tā mātou kohikohi i ngā ingoa me ngā whakapānga o ngā kaituku kōrero, kia mōhio mai koe *e kore* ngā whakapānga e tiritiria atu e tāngia mai rānei.
31. E taea pea ngā urupare katoa i whiwhi te tukuna atu i runga i te Official Information Act 1982. Mēnā kāore koe e pīrangi kia tāngia tāu urupare, whakamōhio mai i a mātou i roto i tāu tuku kōrero, ā, tāpiri atu anō hoki he take kia pērā ai.